



NOGOMETNI SAVEZ ZENIČKO - DOBOJSKOG KANTONA

72000 Zenica
Zukići 22
Tel.: 032 462 150
Fax: 032 446 351
www.nszdk.com
e-mail: ns.zedo@bih.net.ba
ID broj: 4218028750005

Broj: 03 - 2450/21
Zenica, 29.11.2021. godina

NK „ČELIK“ ZENICA
Čelenka Almedin
Komesar za bezbjednost

PREDMET: Zahtjev za očitovanje Komesara za bezbjednost

Poštovani,

Prema Izvještaju delegata Mršo Ahmedina, sa prekinute utakmice XIV kola Druge lige „Centar“ NK „Čelik“ – NK „Bosna“, igrane 14.11.2021. godine u Zenici na stadionu Kamberovića polje „A“ teren, dogodio se incident u 60. minuti utakmice, kada je dio gledalaca, navijača NK „Čelik“ (cca 15) ušao na teren za igru, pri tome je jedan neodgovorni gledalac, navijač NK „Čelik“ udario glavnog sudiju utakmice Bekrić Kenana nogom u predjelu noge u jednom navratu, dok je drugi neodgovorni gledalac, navijač NK „Čelik“ udario asistenta utakmice Sikira Ediba, sa obje ruke u predjelu vrata, zbog čega je utakmica prekinuta.

U skladu sa članom 6. Disciplinskog pravilnika NS/FS BiH, obavezuje se Komesar za bezbjednost NK „Čelik“ Zenica Čelenka Almedin, da dostavi pismeno očitovanje, na navedene činjenice i propuste u organizaciji utakmice sa aspekta bezbjednosti, najkasnije do 01.12.2021. godine

U prilogu se dostavlja izvod iz Izvještaja delegata i dopunski izvještaj delegata navedene utakmice.

Dostavljeno:
- Komesar za bezbjednost putem
NK „Čelik“ Zenica
- a/a



DISCIPLINSKI SUDIJA
Aldin Avdić sr.

3) Ponašanje gledaoca:

Ponašanje gledalaca fer korektno i sportski do momenta prekida utakmice (60min.)kada su isti (manja skupina) usli i napravili incident ulaskom u ogradjeni dio terena za igru.

Incidenti:

Na utakmici nije bilo incidenata:

Da

4) Incidenti - Komentar:

Na danasnjoj utakmici se dogodio incident u 60min.kada je od strane gl.sudije utakmice dosudzen kazneni udarac za ekipu gostiju- NK Bosna,pri cemu su neodgovorni pojedinci manja skupina gledalaca CCA 15 usli u ogradjeni dio terena za igru pri cemu je jedan neodgovorni gledalac pojedinac uspio doci do gl.sudije utakmice i istog zahvatiti nogom u predio noge istog.Takodze drugi neodgovorni gledalac pojedinaca je uspio doci do prvog asistenta utakmice i istog uspio zahvatiti rukom u predio gornjeg dijela tjela.Brzom intervencijom organa reda (policije,zastitari)incident je okoncan.Neodgovorni gledaoci vraceni unutar tribinskog prostora i gl,sudija je prekinuo utakmicu.Nakon cega jsu uz pratnju pomenutih organa reda sluzbena lica utakmice (suduje,delegat)napustili ogradjeni dio terena za igru i uputili se ka sluzbenim prostorijama bez daljnih incidenata.Nakon toga radi izvršenja ljekarskog pregleda prvi asistent utakmice je prevezen u dom zdravlja sanitetskim vozilom.Detaljnije u dopunskom izvjestaju delegata.



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



Broj protokola: I-403 /21

Zenica, 30.11.2021.g.

NOGOMETNI SAVEZ ZENIČKO-DOBOJSKOG KANTONA

DISCIPLINSKOM SUDIJI

Zukići br. 22

72 000 Zenica

PREDMET: Očitovanje komesara za bezbjednost na akt br. 03-2450/21 od 29.11.2021.g.

Poštovani,

Shodno pismenom pozivu na davanje očitovanja na navedene činjenice iz izvještaja delgeta Mršo Ahmedina i propuste u organizaciji utakmice sa aspekta bezbjednosti, kao komesar za bezbjednost NK „Čelik“ Zenica očitujem se kako slijedi:

- Funkciju komesara za bezbjednost u NK „Čelik“ Zenica obavljam već dvije godine za redom i smatram da je klub, a ujedno i ja, preduzeo sve Propozicijama takmičenja propisane mjere u cilju zaštite učesnika takmičenja.
- Pored toga, znajući važnost utakmice za obje ekipe angažovali smo i dodatni broj redara i zaštitara (6 redara, 6 zaštitara), cca. 10tak pripadnika MUP-a ZDK je prisustvovalo odigravanju ove utakmice, a sve prednje je uredno prijavljeno delegatu utakmice.
- Nesporna je činjenica da je nekolicina navijača ušla u teren (cca. njih 7), ali su isti brzom intervencijom mene te ostalih organa reda vraćeni u tribinski prostor, dok je delegatu i službenim licima automatski omogućen neometan izlazak sa terena bez daljih incidenata, a što potvrđuje i sam delegatski izvještaj.
- Ja lično, niti bilo ko od lica odgovornih za organizaciju utakmice nismo mogli znati ili predvidjeti, ili utjecati na ponašanje pojedinaca, a čija ishitrena reakcija je isključivo posljedica diskutabilnog suđenja na predmetnoj utakmici.
- Sa aspekta bezbjednosti i u toj situaciji, preduzete su sve mjere u cilju neometanog rada. Po prekidu utakmice u saradnji sa delegatom i službenim licima obavio sam razgovor, predlagao da se utakmica nastavi bez publike, obzirom da se situacija vrlo brzo smirila.



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



- Poričem navode delegata da je glavni sudija povrijeđen, obzirom da sam lično stajao na terenu zajedno sa igračima NK „Čelik“ Zenica i pod punom moralnom i krivičnom odgovornošću tvrdim da su ti navodi neistiniti.
- Ističem da smo i nakon zvaničnog prekida svi iz kluba bili na raspolaganju službenim licima i ponudili pomoć, te da su organi reda sva službena lica ispratila bez problema.
- U konačnom, smatram da ne postoje elementi odgovornosti po osnovu kojih bi se ja lično kaznio kao komesar za bezbjednost na šta implicira disciplinski sudija pozivanjem na član 6. Disciplinskog pravilnika, a stim u vezi zahtjevam lično prisustvo na sjednici disciplinskog organa u skladu sa čl. 112. st. 3 istog pravilnika.

S poštovanjem,

Čelenka Almedin

Zenica, 30.12.2021.g.